

歷史 黃岩橘種來自何處。始於何時。均無確實可攷。相傳有謝某者。在外經商。攜得橘實數枚。因以滋殖。據明成化間所修黃岩縣誌。載有花柑，乳柑，硃柑，金柑，四種。惟乳柑最佳。廣輿記載黃岩乳柑。甜香可愛。元檢閱林昉。亦有記論乳柑之美頗詳。蓋當日之所謂柑。卽今日之所謂橘也。赤城志載黃岩橘。向有乳橘（一名金錢蜜橘），硃橘等種。陳景沂全芳備祖書。韓彥直橘譜後曰。韓但知乳橘出于泥山。不知出於天台之黃岩也。出於泥山者固奇。出於黃岩者尤天下之奇也。是則黃岩之產橘。當在千年以前。而知名於世。亦不在千年以下。清季王棻。修黃岩縣誌。載乳橘有三種。九月熟者曰早橘。十月熟者曰蜜橘。細者曰金彈（一名金橘）亦名金柑。又曰乳柑卽蜜橘。出江田者最佳。案今日黃岩之橘有早橘，乳橘，本地早，硃紅，椶橘等數種。而金彈則產量殊少。亦無以柑橘名之者。年來黃岩橘行銷於外埠者日多。農家有地一二畝。恆植橘若干以資收入。惟其墨守舊法。不事改良。病蟲繁多。悉聽之天命。若非急用科學方法。施以補救。大奸利權。恐將天演淘汰矣。

產橘區域及土質 相傳黃岩種橘最早之地。在東外山下周斷橋。後因患溜皮蟲。全林橘樹枯死

○漸移至縣西十餘里。即縣誌所謂江田是也。因其地沿江有潮宜種橘。故至今尙多橘林。近年來橘之運往外埠者漸多。以至縣城周圍一帶。及澄江兩岸。一望葱綠。皆橘林也。

橘之所以適宜於沿江及圍城一帶者。其由有四。一因澄江兩岸及沿城河旁均係鹹性土。二因城外臨江一帶多係沙壤土及沖積土。三因橘類爲常綠木利用澄江天然之潮水。久旱不虞水涸。四因江岸水土太鹹。不宜稻作。且他價較低。運輸尤便利。至於東南土性過淡。西北地勢高燥。皆不適乎植橘。即有植之者。其果實皮粗味淡。不堪適口。故東南曠野。西北山地。絕少栽種。惟澄江兩岸。實爲黃岩天然之植橘場。根據一般樹橘者之經驗。土質以沙壤土及沖積土等爲宜。尙擬繼續分析黃岩各處之土壤。攷察各處之土質。另行報告。橘之用途。除生食外。間有製糖果等。如將未成熟之劣等早橘採下。匏去其果皮之外層。壓之去其汁（此汁內含果酸甚多惜多廢棄）。乃以糖煮之。乾後，即成橘餅。成熟之橘。取其皮。可製藥。惟量甚少。橘結實後不久而脫落者。亦可製藥。名曰橘仁（或名小青皮）。

橘絡亦可製藥。總之，橘之一身。幾無廢物也。

氣候 黃巖氣溫。大約在華氏三十二度以上。百度以下。春季多霖雨東風。夏季多雷雨及溫和之東南風。秋季多淋雨。冬季晴多雨少而多西北風。但不甚烈。故對於植橘最宜。惟藥類

（柚子類）因溫度不高。殊非所宜。其味遠不如廣東及福建柚子。

繁殖 橘子之繁殖。黃岩向例用嫁接法。砧木多用酸橙類。如鉤頭橙，小紅橙等。鉤頭橙皮色黃。枝節倒鉤。略成弧形，故名。其實蒔下。經三四年者，可爲砧木。因其根株強大。枝葉繁茂。苟培植管理得法。可逾百年以上之壽命。小紅橙次之。而枸橘亦有用之者。若推廣山地。則當用枸橘爲宜。接法用切接法。于三四月間行之。將砧木離地一寸之外。截其上端。以利刃削平之。擇其截斷面之一方。剝內外皮之中間。（形成層部）長約八九分。然後將接穗剪長一寸五六分至二寸許。留芽二三個。削其下端之外皮。約七八分。插于砧木之剝口。令其緊密接合。以麻絲纏之。接穗與砧木之間。用黏土代接蠟。再用棕竹葉覆之。以防鳥獸及日光雨水之損傷。俟其芽長露出。以利刃裂開竹葉。視其生長程度。施以適宜肥料。使秋冬之交。不再長芽爲度。因秋季所生之芽條。組織未固。○冬季易受霜雪之凍裂而枯死。

築墩 黃岩之植橘。不問地之高低。農民沿用舊法。未植之先。其地必於冬期預築土墩（築時亦有先將破缸片放于墩下者不知何故）。高約三尺，寬四尺許。成圓錐形。每畝可作四十墩。以便春季之栽植。此法對於種橘殊不適宜。蓋橘類性喜排水之地。低濕之地築土墩固

甚適宜。而高燥之地。復加土墩。甚不合于橘性。無奈農民墨守舊法。不肯改良。然築墩之士。俱運自稻田。對于苗木之生長固佳。惟費用較大耳。

栽植時期及苗木之保護 黃岩橘之種類雖殊。其栽培之法則大同小異。茲將其栽橘時期及苗木之保護。分述于後。栽植橘苗。比落葉苗木較遲。其適當時期。約在三四月間（春分至穀雨）。移植之先。當灌水于苗木之根部（地濕不必灌水）。然後以銚掘起。掘取之際。宿土須密着。不可令其脫落。乃移植於本圃。若運送遠方。纏以蘆繩。俾根部之泥勿落。株之距離。視種類而異。早橘晚橘每株間隔自一丈二尺至一丈四尺。畦間再加一二尺。本地早橘，時橘，朱紅，株間畦間自一丈四尺至一丈八尺。栽時將墩上先鑿穴。施腐熟人屎尿油粕等爲基肥。乃定植苗木。使土壤與根十分密接。上覆草木灰。以防乾燥。每月施以腐熟人屎尿。促其發育。又插小竹木于其旁。以支持樹枝。免烈風暴雨之動搖。冬期圍稻藁。以防霜雪之凌凍。

施肥 橘類需肥之量頗多。視品種年齡而異。普通初栽苗木所施肥料量少（稀人屎尿）。而同數多。約每月一次（或有隔一月者）。每株約一二糞杓（大約二立突）。及其既達結果時期已成林者。每年以二三次爲度。如施肥三次者。開花前一次。約在三四月間。結果黃熟前一次。